



Die partypolitiek verwerp Afrikaners as vyande wat nie ondersteuners van die party is nie — dus volksverdeeldheid.



Die



Die Ossewabrandwag aanvaar Afrikaners as broers ook al is hulle nie ondersteuners van van hom nie — dus volkseenheid.

H.N.P.-KANDIDATE MAG NIE LID VAN O.B. WEES

„Antwoord” op Aanbod tot Samewerking?

Die H.N.P.-leiding het aan parlementslede wat lid is van die Party, skrywes gerig waarin aan hulle verduidelik word dat hulle die partybestuur sal moet oortuig dat hulle alle bande met die Ossewabrandwag verbreek het alvorens hulle hul weer as kandidaat van die Party verkiesbaar kan stel.

Hierdie stap word gedoen nadat die Ossewabrandwag 'n baie duidelike aanbod tot samewerking by 'n aanstaande parlementsverkiezing gedoen het. In daardie aanbod word nie geëis dat die kandidaat lid van die Ossewabrandwag moet wees nie, maar net dat sulke kandidaat nie hul mederepublikeinse beveg nie. Of hulle lid van die Beweging is of nie, maak hoegenaamd geen saak nie, solank hulle net nie deur hul optrede toon dat hulle meer bekommerd is oor die vernietiging van die republikeinse Volksbeweging as die Empire nie. Dit is al voorwaarde, en baie billik daarby, want dit is onmoontlik om te verwag dat 'n mens hulp aan iemand moet verleen wie se belangrikste doel dit is om jou dood te maak.

Die Partyleiding se enigste antwoord op die Ossewabrandwag se aanbod tot samewerking is dat hy van sy kandidaat eis om die O.B. te bedank.

Indien die H.N.P. met hierdie gesindheid die verkiezing wil ingaan, sal dit vir elkeen duidelik wees dat hierdie mense nie bekommerd is oor die uitslag van die verkiezing nie en ook nie bekommerd is oor die belange van die volk nie, maar uitsluitlik en alleen bekommerd is oor die belange van hul eie party en die vernietiging van republikeinse volksorganisasies. Dit sal dan vir die volk duidelik wees wie die mense is wat onderlinge samewerking verwerp het.

DIE DAAD GROEI AAN

'n Jaar gelede het ons 'n bedrag van £480 erken as die eerste bydrae tot die Noodhulpfonds. Tot vandag het DIE O.B. meer as £23,000 vir hierdie fonds erken. Daarby is nie gereken die groot bedrae wat op 8 Augustus ingesamel is en wat oor die £14,000 beloop nie. Die O.B.-fonds betaal maandeliks £2,000 aan afhanklike gesine.

Binne die Ossewabrandwag staan ons almal vir elkeen. Binne die Ossewabrandwag word 'n mede-Afrikaner met die DAAD gesteun en nie met beloftes en mooi praatjies nie.

SEUNS GESTRAF WEENS DRILLOEFENING

Al Singende uit Tronk

Op 27 Januarie het 22 seuns voor magistraat Van Helsdingen in Bloemfontein verskyn. Die saak wat betref die seuns onder 19 jaar is uitgestel. Na 'n verhoor wat drie dae geduur het is hulle skuldig bevind dat hulle sal deelneem het aan militêre dril- en liggaamsoefeninge volgens die getuie-nis afgelê deur die polisie en speurders, on elk gevonnissen met £25 boete of twee maande hardepad. Deur adv. P. J. van Blerk (gelas deur prokureurs Pretorius en Gordon Fraser van Bloemfontein en Gordon Tomlinson van Vredfort) is daarop aansoek gedoen by die hof dat die boete slegs vir een dag op (Vervolg op voet van volgende kol.)

KOMDT.-GENL. NADER POLITIEKE LEIERS IN SAKE VOLKSBETOGING

Ossewabrandwag-Voorstel deur Koukus van Nuwe Orde Aanvaar

In verband met die onlangse verklaring van die Ossewabrandwag waarin aan die hand gedoen word dat 'n algemene verkiezing te baat geneem moet word om 'n reuse-volksbetoiging te hou waaraan alle Afrikanergroepe wat teen die oorlog gekant is, kan deelneem, sodat die Afrikanerdom in staat sal wees om sonder onderlinge partygeskarrel sy stem eenparig teen die oorlog uit te spreek, het die Kommandant-generaal verlede week die voorstel skriftelik aan dr. D. F. Malan, adv. O. Pirow en mnr. N. C. Havenga, in hul hoedanigheid as leiers van belanghebbende politieke groepe, gerig.

Inmiddels het die koukus van die Nuwe Orde-groep na aanleiding van die Ossewabrandwag-voorstel die volgende besluit geneem: „Die koukus van die Nuwe Orde neem kennis van die verklaring van die Grootraad van die Ossewabrandwag in verband met die aanstaande verkiezings en vereenselwig hom daarmee. Hy bekragtig sy vorige besluit, naamlik dat die Nuwe Orde as sodanig geen deel sal neem aan die verkiezings nie, maar origens die politieke vryheid van sy lede nie sal inkort nie. Hy neem verder kennis van die feit dat parlementslede en ander ondersteuners van die Nuwe Orde in hul persoonlike hoedanigheid gevra is en toegestaan het om hulle as onafhanklike republikeinse volkskandidate verkiesbaar te stel.”

Dit wil egter voorkom of die H.N.P.-leiding nie bereid is om 'n sodanige volksfront te help vorm nie, dog intendeel voorbereidings tref om 'n ekstra-suiwer partyverkiezing te voer.

Na die bekendmaking van datums vir kandidaatstellings deur die H.N.P.-leiding het die hoofleier van die party, dr. D. F. Malan, met 'n dringende oproep in die pers gekom waaruit duidelik blyk dat hierdie groep niemand as kandidaat in 'n algemene verkiezing sal duld wat enigszins die sweem van 'n breë volksuitkyk openbaar nie.

In sy oproep waarsku dr. Malan sy volgelinge teen oortollige aspirante wat „die geleentheid aan ons vyande bied om 'n wig tussen ons in te drywe,” waarmee hy te kenne gee dat net die „beste en getrouste en bruikbaarste lede” van die party in die parlement toegelaat sal word. Aspirante sal dan ook met die oog hierop „goedgekeur moet word deur die Hoof-

leier in oorleg met 'n komitee van die Hoofraad voordat hulle hulle vir die benoeming beskikbaar kan stel. Die bedoeling hiervan” so gaan die verklaring voort, „is dat niemand kandidaat sal kan wees sonder dat die Party eers volle sekerheid verkry het dat hy aan die Party en die Partyleiding sy volle en onverdeelde lojaliteit sal gee nie.”

Dat hierdie diktatoriale en ongeoptrede tot groot ontevredenheid sal lei binne daardie Partykringe waar volksbelang nog bo partybelang gestel word, sien die hoofleier self wanneer hy ten slotte waarsku dat daar waarskynlik onafhanklike kandidade „teenoor ons wettelik benoemde Partykandidate” gestel sal word.

Met ope oë wil hierdie leiersgroep dus 'n partyverkiezing gaan hou waar die meerderheid van die volk liever volkskandidate wil steun wat die beste geleentheid het om in te kom, en dit word gedoen in weerwil van die grootmoedige aanbod van die Ossewabrandwag om aktiewe steun te verleen aan sulke kandidate wat met die oog op 'n algemene volksbetoiging gestel sal word. Daar word egter gehoop dat gesonde verstand en volksbelang sterk genoeg in die Party verteenwoordig is om hierdie noodlottige rigting te voorkom.

WERKLOOSHEID NÁ OORLOG EN DEMOKRASIE

Regering Kan Verantwoording Ontduik deur te Bedank

Die Planneraad wat verlede jaar deur die Regering aangestel is om in te gaan op maatskaplike en ekonomiese vraagstukke, het in sy eerste verslag verklaar dat ná die oorlog 80,000 blanke mans en 30,000 blanke vroue wat vandag in die leer diens doen, werkloos sal wees. Al die skemas vir werkverskaffing sal maar net 15,000 man aan 'n verdienste kan help. Daar sal dus meer as 100,000 blanke werkloos wees wanneer die Unie-leër ontbind vir wie daar geen werkgeleentheid sal bestaan nie.

Volgens die raad sal daar nog 80,000 natuurlike en 30,000 kleurlinge ook werkloos gestel word by ontbinding van die leer.

Volgens die parlementêre partystel is dit heeltemal moontlik dat die huidige bewindvoerders wat vir die toestand verantwoordelik is, dan eenvoudig sal bedank en die land aan sy lot oorlaat. Volgens die demokratiese opvatting is dit mos nie hulle skuld nie, maar die volk se skuld — die oorlogsverklaring was mos 'n „volksbesluit”!

VRUGTE-SKANDAAL

Die Planneraad meld in sy verslag dat daar in 1941 soveel as 1,700,000 kissies en in 1942 1,600,000 sakkies lemoene deur die Sitrus-raad doelbewus vernietig is met die oog op markbeheer. In dieselfde tydperk waarin hierdie skandaal plaasgevind het, het die enigste blankes nooit 'n lemoen geproe nie en moes verbruikers soveel as 5/6 per sakkie betaal. Die boer het gewoonlik nooit meer as 1/6 per sakkie ontvang nie.

Dit is die metode van die kapitalistiese demokrasie waar geld die enigste maatstaf is. Die Ossewabrandwag daarenteen sê 'n volk se gesondheid en geluk is die eerste oorweging en geld is slegs 'n betaalmiddel.

VERGADERINGS VAN A.K.G. IN NOORDWESTE

Onderstaande plekke sal op die aangegeve datums deur die A.K.G., genl. J. A. Smith, aanstaande maand besoek word. Sommige van die vergaderings sal waarskynlik ook deur die Kommandant-generaal bygewoon word, maar besonderhede sal eers later beskikbaar wees. Wat die tyd betref, word dit deur elke senior offisier plaaslik gereël, en Brandwagte moet by hom navraag doen. Ons hoop egter om betyds nog die volledige inligting in Die O.B. aan te kondig.

Zeekoevlei distrik Clanwilliam, 19 Feb.; Vredendal op Spes Bona, 20 Feb.; Bitterfontein, 22 Feb.; Kamieskroon, 23 Feb.; Springbok, 24 Feb.; Keimoes Kanoneiland, 25 Feb.; Buchberg-skema, 26 Feb.; Kakamas (nm.) en Upington (aand), 27 Feb.; Brakwater, dist. Kenhardt, 1 Maart; Skansklip, 2 Maart; Williston, 4 Maart; Calvina, 5 Maart.

WYSIGING REISPROGRAM

Die vergadering wat op 11 Februarie om 2.30 nm. op Smithfield vir die K.G. belê is, sal nou op Rouxville gehou word op dieselfde dag en tyd.

Waarde vir geld

Kommando

sigarette

(Vervolg van vorige kol.)

geskort word hangende aantekening van appèl, maar die aansoek is van die hand gewys. Dieselfde middag is in die Hooggeregshof aansoek gedoen om 'n bevel dat die vonnis sal opgeskort word hangende appèl. Die Regter-president het die aansoek toegestaan teen verskaffing van bevredigende borg. Dit is onmiddellik verskaf. Intussen is al die seuns tronk-toe. Indien die petisie in die Hooggeregshof geweier was sou die meeste tronkstraf boete verkië het. 'n Paar sou egter die boete moes betaal het, aangesien hulle broodwinners is. Die Hooggeregshof het egter die bedrag van borg gestel op £550, synde die gesamentlike boete. Verwag word dat die appèl in Maart verhoor sal word. Toe die seuns die tronk verlaat het is hulle buite deur brandwagte ontvang. Die seuns het uit volle bors die Ossewabrandwaglied en „Opsaal Boere” aangehef en daarna is hulle deur A.K.G. Van der Merwe onthaal voordat hulle huiswaarts vertrek het.

VOLKSKAS

verskaf alle bankdienste
(ook tjekrekening)

29

Takkantore bedien die
Bank se kliënte deur
die hele Unie.

Fondse oorskry £2,715,000

Vra verdere inligting
by die VOLKSKAS-
kantore.



Die Volk se Bank.

Volkkas (Koöp.) Bpk.

(Opperig kragtens die Koöp. Wet)

Schoemanello- Drank

VIR KWALITEIT EN TEVRE-
DENHEID DIE GOEDKOOPSTE

PER BOTTEL.—As u
van 1 tot 5 bottels
nemen in gemengde
kisse van 12 bottels.
PER BOTTEL.—Om
van 6 tot 12 van een
soort te nemen in kis-
sie van 12 bottels.
PER GELLING.—In
5-gel. vaatjie of meer.

WYNE:	5/-	3/6	2/6
Fonkelwyn	5/-	3/6	—
Lewenswyn	3/6	2/6	—
Vermouth	2/6	—	—
Hanekraai- Cocktail	2/6	3/-	—
Likeurwyn	2/-	1/8	8/6
Jeripigo Rooi	1/3	1/1	6/-
Jeripigo, Wit	1/3	1/1	6/-
Soet Muskadel	1/2	1/-	5/6
Port	1/2	1/-	5/6
Worcester Hock	1/1	11d.	5/-
Pontak	1/1	11d.	5/-
Spesiale Sjerrie	11d.	10d.	4/6
Sjerrie	10d.	9d.	4/-

BRANDEWYNE:	5/9	5/6	4/3	24/6
Schoemanello	5/9	5/6	4/3	24/6
Ekstra Spesiaal	5/6	4/9	25/-	—
F.C.	5/-	4/3	24/-	—

JENEWER 6/- 5/- —

LIKEURS:	5/-	4/3	24/-
Kersie-Brandewyn	5/-	4/3	24/-
Anys-Brandewyn	5/-	4/3	24/-
Gemmer- Brandewyn	5/-	4/3	24/-
Lemoen- Brandewyn	5/-	4/3	24/-
Peperment-Likeur	5/-	4/3	24/-
Van der Hum	5/-	4/3	24/-

JENEWER LIQEURS:	6/-	5/-	—
Lemoen-Jenewer	6/-	5/-	—
Suurlemoen- Jenewer	6/-	5/-	—

Voeg by 5/- vir kassie en bottels, en 12/6 vir vaatjie wat vergoed sal word by terug-sending. Ons lewer drank in ons inhouers solank ons voorrade van inhouers het, en alleenlik op voorwaarde dat die inhouers blinde sestig dae aan ons terug besorg word. Weens bottel skaarste kan ons alleenlik in ons eie bottels, kassies drank verpak, waar sulke drank 'n minimum prys van £1-15-0 beloop. Indien goedkoper kassies verlang word moet u u eie inhouers aan ons stuur.

Word verkoop in 12-bottel-kassies of 5-gel-lingvaatjies of groter. U kassies van 12 bottels kan Wyn, Brandewyn, Jenewer, Likeur, Vermouth en Hanekraai bevat. Terme: — K.M.B. plus treingeld na slyne, K.B.A. plus treinkommissie. V.O.S. OUDTSHOORN.

Bestel van
JURGENS SCHOEMAN
Fosbus 142. Oudtshoorn.

Erkenning van Onmag en Onwil

„Ons volk sien op na die regering om vier dinge te verkry, nl. 'n blywende vrede, volle werkgeleentheid, maatskaplike veiligheid en die fisiese heropbou van ons land,” het Hugh Dalton, Britse Minister van Handel, onlangs in 'n toespraak verklaar, waarop hy onderstaande betekenisvolle sin laat volg het:

„Ons kan massa-werkloosheid voorkom as ons wil, maar dit kan alleen geskied deur die aanvaarding van nuwe idees en nuwe metodes.”

Die kenmerk van die demokrasie is dat dit dinge maar hul gang laat gaan. Die owerheid gryp so min as moontlik in op ekonomiese en maatskaplike gebied. In die demokrasie word onder die woord „reger” verstaan die gewelddadige inpalming van ander se gebiede by wyse van verowering, en die vreedsame uitoorleery van ander state deur middel van diplomatieke gekonkel of van die mededingende partye binne die eie staat deur middel van politieke geknoei. Dit is ongeveer die bedrywigheid waartoe die demokrasiese owerheid hom beperk. Daarom kon Adolf Hitler onlangs in een van sy toesprake die sarkastiese opmerking maak in verband met Amerika se voorneme om Duitsland na die oorlog deur een of ander kommissie te laat regeer, dat hierdie mense praat van regeer wanneer in hul eie land miljoene mense werkloos is, in teenstelling met Duitsland waar geen werkloosheidsvraagstuk meer is nie.

Dit is dan ook opvallend dat al die demokrasiese lande gekenmerk word deur grootskaalse werkloosheid, maatskaplike onsekerheid en algemene agteruitgang van die land — drie van die dinge wat Dalton ná die oorlog verbetering op verlang. Dieselfde toestand van chaos en verval het Duitsland ook ondervind in die dae toe hy die seninge van 'n demokrasiese bewind moes tel. Werkloosheid was aan die orde van die dag — aan die een kant die werkloos wat in armoede en ellende verkeer het, en aan die ander kant die „werkloos” wat in welde gerol het.

Teen hierdie toestand het die nuwe gedagte van die nasionaal-sosialisme in Duitsland gekom en is die idee van organiese lotsgebondenheid verkondig waarkragtens die geheel aanspreeklik is vir die enkeling en die enkeling vir die geheel. Dit het weer harmonie en ewewig gebring sodat die vraagstuk van werkloosheid in daardie land verdwyn en daar op alle gebiede maatskaplike veiligheid en welvaart ingetree het.

Hierdie nuwe gedagte van almal vir elk en elk vir almal wat deur die Ossewabrandwag in Suid-Afrika gedra word, is die enigste grondslag vir die hoogste mate van welvaart en geluk vir elke lid van die volk. Dit vorm die enigste waarborg vir maatskaplike veiligheid en die „fisiese opbou van die land”.

Maar dit was juis teen hierdie gedagte wat die demokrasiese bewindvoerders — en ook die heer Dalton — die volker van die wêreld drie en 'n half jaar gelede tot die oorlog opgeroep het. Die demokrasie moes met wapengeweld verdedig word teen hierdie nuwe idee van broederskap en hoederskap, en nog duur die stryd teen hierdie idee voort.

En nou kom die erkenning van Britse kant self dat die werkloosheidsvraagstuk alleen opgelos kan word as nuwe idees en nuwe metodes aanvaar word — 'n erkenning dat die demokrasie waarvoor vandag geveg en offers gebring word, magtelos is om te regeer.

Maar die heer Dalton se uitlating hou 'n verdere erkenning in, nl. dat die kapitalistiese bewindhebbers NIE WIL dat werkloosheid en die daarmee gepaardgaande euwels „voorkom” word nie, want hy sê uitdruklik dit kan voorkom word „as ons wil, maar . . .” dan moet die nuwe idees en metodes aanvaar word — die idees waarteen nou juis geveg word.

Die felt, dus, dat daar oorloggevoer word teen die nuwe gedagte wat vir die volke van die wêreld 'n verjonging beteken, is bewys genoeg dat die wil tot verbetering of hervorming by die (Vervolg op voet van volgende kol.)

BROKKIES UIT DIE BUITELAND

Ander Aspekte van Oorlog in Noord-Afrika

TRIPOLI.

Die Britse besetting van die hawestad Tripoli en die uiteindelijke verowering van die hele Italiaanse koloniale ryk in Afrika is sonder twyfel die grootste militêre sukses wat die Brits-Amerikaanse bondgenote totnogtoe in hierdie oorlog behaal het. In vergelyking met die geweldige nederlae wat in Europa en Asië gely is, sê dit wel nie veel nie. Dit is ook verstaanbaar dat die propaganda in die Geallieerde lande die uiteindelijke verowering van die hele Italiaanse ryk in Afrika ten volste uitbuit. Dit is egter moontlik dat mense as gevolg van hierdie propaganda hulle perspektief in sake die oorlogsgebeure as geheel kan verloor. Om hierdie rede is dit nodig om op 'n paar ander aspekte van die oorwinning in Noord-Afrika te wys.

Dit klink wel baie mooi as die Britse minister van oorlog verklaar dat die Italiaanse Ryk in Afrika 'n gebied 12½ keer die oppervlakte van die Britse Eilande beslaan en dat daar nou niks van oor is nie. In werklikheid beteken hierdie „12½ keer die oppervlakte van die Britse Eilande” heel weinig want die Italiaanse ryk in Afrika bestaan vir die grootste gedeelte uit 'n onherbergsame woestyn, of soos Mussolini dit jare gelede uitgedruk het, uit rotse en sand. Afgesien van nasionale prestige, het die Italiaanse koloniale ryk vir die moederland ekonomies en andersins heel weinig beteken en die Britse minister kon net so goed gesê het dat die Sahara 30 keer die oppervlakte van die Britse eilande beslaan. Met die oog op die natuurlike armoede van Italiaanse Noord-Afrika is dit ondenkbaar dat hierdie gebied as basis vir 'n aanval op die Suezkanaal of op Italië gebruik kan word. As basis vir 'n aanval op laasgenoemde land sal die Britse steunpunt Malta meer geskik wees.

In die stryd van die agste Britse leër net soos in 'n seeoorlog gaan dit nie soveel om gebiedsverowering nie as om vernietiging van die vyand. Die vernietiging van Rommel en sy stryd-magte is dan ook meermale deur Alexander en Montgomery as doelstelling uitgebasuin. Hierdie doelstelling is nie verweselik nie. Rommel en sy leër het die vernietiging ontwyk en het by die Spilmagte in Frans-Noord-Afrika aangesluit.

WENDING

Die hele terugtrekking van Rommel moet gesien word in verband met die

(Vervolg van vorige kol.)
demokratiese regeerders afwesig is, en daarmee verval ook al die huigelagtige vroom beloftes van na-oorlogse hervormings.

Brits-Amerikaanse landing in Frans-Noord-Afrika. Hierdie landing het aan die hele oorlogstrategie in Noord-Afrika 'n ander wending gegee. As die Geallieerdes daarin geslaag het om die hele Frans-Noord-Afrika d.w.s. ook Tunisië te beset, dan sou Rommel hom tussen twee vure bevind het en dan sou daar vir hom weinig ander kanse oorgebly het as om te duinker. In werklikheid egter het nie die Geallieerdes nie maar die Spilmagte daarin geslaag om die strategies uiters belangrike Tunisië te beset. Selds die Geallieerde poging om 'n wig tussen Rommel en die Spilmagte in Tunisië in te dryf het misluk. Die politieke verdeeldheid en verwarring tussen Franse, Britte en Amerikaners in Frans-Noord-Afrika het orogens ook nie bygedra om die planne van die Geallieerdes te verweselik nie. Dit is moontlik dat die jongste ontmoeting tussen Roosevelt en Churchill hierdie onsekerheid sal verwyder.

Op die oomblik is die posisie dus so dat die Spilmagte wel uit Italiaanse Noord-Afrika verdryf is maar dat hulle in die veel belangriker Tunisië sit. En hulle sit vandag nie alleen in Tunisië nie maar ook in Korsika en aan die suidkus van Frankryk met sy belangrike hawestede Marseille en Toulon. Die deurvaart van Geallieerde skepe deur die Middellandse see van Gibraltar na Alexandrië en die Suezkanaal, d.w.s. een van die vernaamste doelstellings van die Britse veldtog in Noord-Afrika, is onder huidige omstandighede moeiliker as ooit tevore. Met korter verbindingslinies staan die Spilmagte in hierdie strategies-belangrike see-enge van die Middellandse See in 'n baie gunstige posisie.

Die besetting van Tripoli en die verowering van die Italiaanse koloniale ryk in Noord-Afrika sal dus eers 'n waardevolle oorwinning wees as die Spilmagte nie alleen uit Tunisië verdryf is nie maar die Geallieerdes ook 'n suksesvolle landing in Italië gemaak het. Voor dit egter kan geskied sal daar seker nog heelwat water in die see moet loop.

DIE VERBRUIKER WEET—

— dat die ingevoerde parlementêre stelsel met sy partypolitiek wat afhanklik is van kapitalistiese belange nie by magte is om die groot verskil in prys tussen wat produsente ontvang en wat verbruikers betaal tot 'n oplossing te bring nie.

— dat die Gesagstaat van die Ossewabrandwag wat gegrond is op die beginsel van „een vir almal en almal vir elk”, alleen in staat is om die kloof tussen produsent en verbruiker te oorbrug.

O.B.-FUNKSIE, MARQUARD. 10 FEBRUARIE 1943.

Stig die Tweede Front op WOENSDAG, 10 FEB.
om 10 vm., in MARQUARD-STADSAAL.

Die Voorrade Kolonne sal bestaan uit BOERWORS, BRAAIVLEIS en SOSATIES, PANNEKOEKE en WAFELS, BOEREKOFFIE en GEMMERBIER.

Aan die Krygsverrigtinge sal deelneem alle goeie Afrikaners en Brandwagte van Marquard en omliggende dorpe, wie met militêre-taktiek geesdriftig geld sal stort in ons NOODHULPFONDS totdat alle voorrade uitgeput is.

Die JEUGFRONT sal die strydkragte aanmoedig met opwekkende musiek.

Kom trek op en bulder los op ons smaaklikhede —
MOEDIG !! GEESDRIFTIG !!

Die Kommandant-Generaal en A.K.G. J. van der Merwe sal teenwoordig wees.

VRYWILLIGERS WORD GEVRA OM ONS KRAGTE AAN TE VUL.

Die Geskiedenis van Amajoeba

Onderstaande is die geskiedenis van die Slag van Amajoeba, opgestel deur hoofgenl. prof. A. J. H. van der Walt, soos dit voorgelees moet word op Vryheidsdag waar die Amajoeba-kantate nie voorgedra kan word nie.

„Die Rooibaadjies is op die Kop.” Hierdie ontstellende berig het dou voor dag die hoofkwartier van genl. Piet Joubert op die Nek onder Amajoeba op Sondagmôre, 27 Februarie 1881, bereik, en soos 'n vuurbrand deur die Boerelaers versprei. Nog maar die vorige aand het alles so hoopvol geskyn. Die eendrag onder die burgers, die geesdrif vir die stryd van die vryheid van die duurgekotte vaderland was so groot soos maar selde tovore. Die Engelse garnisoen in die dorpe was vasgelê deur Boeremagte en magteloos. By Bronkhorstspuit, Laingsnek en Ingogo is die vyand gevoelige nederlae toegedien wat sy aanvulskrag verswak, indien nie gebreek het nie. En nou meteens het dit gelyk asof alles wat bereik was in een slag weer verlore kon gaan.

Die Boeremag in die Drakensberg, wat die poort tot die Vaderland bewaak het, was in hierdie tyd gelaer op die heuwelreeks links en regs van Laingsnek met sy regtervleuel teen Amajoebakop en sy linkervleuel teen Buffelsrivier. Die Engelse onderaanvoering van Sir George Pomeroy Colley het suidwaarts van hulle by Mount Prospect gestaan. Sterk gehawend deur die bloedige verliese by die frontaanval op Laingsnek presies 'n maand vroeër en in die slag van Ingogo, het die Engelse leër intussen weer versterkings ontvang, terwyl Sir Evelyn Wood juis toe afwesig was na Pietermaritzburg om die koms van nog nuwe afdelings te bespoedig.

Sedert die begin van die maand is gedagtes gewissel tussen die Boere en Engelse gesaghebbers oor 'n basis van onderhandelinge wat kon lei tot die staking van vyandelikhede, en 'n brief van genl. Colley met voorstelle, deurgestuurd deur genl. Joubert, was toe juis op weg na vice-president Paul Kruger te Heidelberg. Die antwoord kon nie voor begin Maart terug wees nie. Dit het die Boere-aanvoerder verlei tot 'n byna gevaarlike sorgeloosheid, soos hyself skrywe. Hy het nog die voet van die kop teen 'n moontlike omflankingsbeweging laat bewaak, maar die kruin, waar dit onaangenaam koud kan word, snags onbewaak gelaat. Hy was onder die indruk dat Colley niks sou onderneem voordat die antwoord van die vice-president op sy brief terug was nie.

Sir George Colley het egter anders gedink. Onaangenaam getref deur die twee gevoelige nederlae wat hy gely het, begerig om sy militêre prestige te herstel nog voordat Sir Evelyn Wood terug kon wees om die opperbevel oor te neem, het hy planne beraam om die Boeregeneraal uit te oorle en met een suksesvolle slag die oorlogkanse om te keer. Op Donderdag, 24 Februarie, het hy 'n skynbeweging teen die linkerflank van die Boere onderneem om hulle aandag daarheen af te trek, en gedurende die volgende twee dae is Amajoeba deur Kafferspioene van die inligtingsdiens noukeurig bespied. Saterdagmiddag om halfnege is bevel van mond tot mond gegee aan afdelinge van die 58e en 60e regimente infanterie, van die Hooglanders, die veterane van Afghanistan, en van die Marinebrigade om in alle stilte, sonder lig, buite die kamp aan te tree. Om tien uur het 'n mag van tussen ses en sewe honderd man, onder die persoonlike leiding van Colley en sy staf, voorsien van kleingeskut en ammunisie, verskansingsgereedskap, jasse en slaapselkies, en mondproviand vir drie dae, en gelei deur Kaffergidse, vertrek. Die koers het gegaan langs die Imqueland, met 'n omweg om O'Neill se plaas. Aan die voet van die kop is twee afdelinge geplaas met die bevel om hulle in te grawe as rugdekking. Om 3-uur dié Sondagoggend het die swaarbelaaide troepe van die hoofmag na 'n harde klim, hulle uitgeput bo-op die kruin van Amajoeba neergewerp om bietjie uit te rus, sonder dat Boerewagte aangetref of teëstand ondervind is. Die waaghalsige onderneming was 'n volslae sukses!

Na 'n kort ruspouse het Colley afdelinge van sy mag gelas om die rand van die heuweltop te versterk met klipkanse, terwyl hy sy hoofkwartier gevestig het in die duik of pan bo-op die

kruin, waar 'n put gegrawe is en water op die diepte van drie voet gevind is.

Toe die dag aanlig, het dit eers reg duidelik geword hoe sterk sy posisie was. Die rand om die kruin, versterk deur die klipkanse was 'n natuurlike bolwerk. Die hange van die kop het gelê onder die kruisvuur van die verdediger. Die duik bo-op het nog verdere skuiling gebied. „Niks ter wêreld, behalwe honger, kan ons hier uitdrywe”, was die gedagte wat deur die hoof van 'n oorlogskorrespondent geflits het. En waarlik, 'n sterker natuurlike vesting kon geen aanvoerder ooit begeer nie.

Dit was 'n merkwaardige panorama wat hom daardie heldere Sondagmôre voor die oë van Colley ontvou: Suidwaarts Natal, eenmaal Voortrekkerland, gedrenk met Boerebloed, nou 'n Engelse kolonie, die basis van die aanval teen Transvaal; ooswaarts, Zoeloland, nog maar kort gelede gebring onder Britse beskerming; noord- en noordooswaarts Transvaal, gehul in somergroen, die begeerde nuwe wingewes waaroor die verbitterde stryd gegaan het, en aangrypndste van alles onmiddellik aan sy voet die ontwakende Boerelaers op die Nek, die sleutel tot die Transvaal, oorgelewer aan sy genade, in die holte van sy hand. 'n Frontaanval vanuit die kamp met grofgeskut, en vuurpylwerpers, sekuur gelei vanaf die berg met sinjale, en dan, op die gegewe oomblik, 'n flankaanval, en niks kon hulle meer red nie.

Ook die Boereleiding was diep onder die indruk van die gevaar wat gedreig het. Die keuse was eenvoudig: of die Nek verlaat en die poort na die Vaderland prysgee, of die bittersware, byna wanhopige taak aandurf om die Engelse te verdryf. Daar was 'n oomblik van verwarring, en deur menige kop het die gedagte gegaan, hoe is dit moontlik dat die Engelse toegelaat is om so sonder stamp of stoot die allesbeheersende posisie te beset. Maar daar was geen tyd vir verwyte nie. Sonder baie woorde, sonder lang redenasies het die besluit geval: „die Engelse moet van die kop af!” Bedug vir 'n frontaanval is afdelinge gelas om die voorbereide stelling in te neem, en weldra was ruiterafdelinge ooral in verspreide orde op weg na hulle poste. Vir die stormaanval teen die Kop kan slegs 150 man afgesonderd word uit die Kommandantskappe van veggeneeraal Nicolaas Smit en kommandante A. Pretorius en G. Meyer, onder onmiddellike aanvoering van veldkornette Stephanus Roos, Joachim Ferreira, D. Malan en D. Joubert, en onder algemene toesig van veggeneeraal Smit.

Teen sewe-uur het die aanval begin vanuit 'n kloof teen die noordelike voet van Amajoeba. Met die merkwaardige veldvernuw van hulle eie, het die Boere gebruik gemaak van elke dwarslys, elke kranse, elke uitgespoelde donga as skuiling, maar tog was daar baie ope ruimtes waaroorheen hulle, onder die heftige vuur en kruisvuur van die vyand, moes klim; en hulle aanvalsmoed en doodsveragting is maar selde gewenaar en nooit oortref in die krygsgeskiedenis van die Boere, wat nie sonder baie hoogtepunte van krygsvernuw, moed en dapperheid is nie.

Omstreeks elfuur was drie-kwart van die Kop beklim met nog maar één man gewond. Die swaar Engelse Martini-Henri-koëls, in die reël te hoog gemik, het skadeloos oor hulle koppe heen gesuis. Die aanvallers het hulle nou verdeel. Onder dekking van 'n dwarslys het twee veldkornetskappe weswaarts omgetrek om die Engelse linkervleuel aan te tas, terwyl twee ander gebly het vir die aanval op die Engelse front en regtervleuel. Anderhalfuur later was die maneuer voltrek en het die laaste epiese stormloop teen die voorste skanse op die rand van die kruin begin. Weldra het die kruitdampe van die teenstanders inmekaar geslaan. Die Hooglanders wat hier die spit moes afbyt, het hulle dapper geweer, maar onder die hewige en akkurate vuur van die Boere, is hulle die eerste aan die westekant uit hulle skanse verdryf. Saam met versterkinge deur Colley uit sy hoofkwartier gestuur, het hulle weldra in 'n hals-oor-kop vlug die holte

weer binnegetuimel, waar hulle, met moeite deur die offisiere tot 'n nuwe stellingname kon beweeg word. Ook die res van die voorste Engelse linies het begin ingee, en van ooral het troepe die holte binnegevlug. Die Boere was nou bo-op die berg en het van plat op die grond af 'n moordende vuur die holte ingestuur. Voor die besliste aanval en die akkurate vuur het die moral van die Engelse troepe, nou saamgedring in die holte, begin knak; dissipline het verslap; bevels is verontagsaam en die offisiere moes van dreigemente gebruik maak. Slegs minute het verbygegaan en toe het paniek die Engelse soldate oormeester. Hier en daar het klompies opgespring en begin hardloop. Genl. Colley, op die punt om 'n wit sakdoek aan die punt van sy sabel te ryg, het doodlik getref met 'n kopskoot neergesak. In 'n wilde panieklug het die soldate na die suidelike afgang van die Kop weggestorm, met die Boere kort op hulle hakke. Baie, wat geen voetpad kon vind nie, het die kranse afgestort. Van bo-af het die aanvallers volhardend bly vuur op die vlugtelingen teen die hange. Teen drienuur was die geveg hier afgelopen.

Intussen is 'n ruiterafdeling van honderd man sterk onder Senekal, Fouché en Van Rensburg, wat sedert die môre die voet van die Kop aan die weste bewaak het, teen 'n moontlike Engelse omflankingsbeweging, aangesê om die ingegrawe Engelse afdelinge aan die suidelike voet van die berg te bestorm. Na 'n kort maar hewige botsing, waarin ook die kanonne by Mount Prospect ingegryp het, is die Engelse uit hulle verskansing gewerp en agtervolg na 'n diep kloof. Teen vyfuur nm., met die oorbylfsel van die vyand in volle vlug na Mount Prospect, is die vegterrein omhul in 'n dik mis wat alle verdere operasies onmoontlik gemaak het. Die slag van Amajoeba was

afgeloop. Op die slagveld het gebly, aan die Boerekant, die haas ongelooflik geringe getal van één gesneuwel en vyf gewond, waarvan nog een later aan sy wonde oorlede is, offers, soos sovele voor en na hulle op die altaar van 'n vrye volksbestaan; aan Engelse kant, dood: 92; gewond: 134; gevange: 59 — altesaam 285 man. **Geen volk word vry sonder offers nie.** By Bronkhorstspuit, Laingsnek en Ingogo het die vryheidstryders van 1881 hulle offers van lewe en bloed gebring.

Met die slag van Amajoeba het hulle letterlik en figuurlik die bergtoppe bereik, en die tyding van die manneedaad het weerklinkend gevind in elke hoek van Suid-Afrika. In Kaapland, Vrystaat, Natal en Transvaal het dit Afrikanerharte saamgesnoer in vreugde, dankbaarheid en vryheidsgeesdrif. Amajoeba het die simbool geword van die onverwoesbare krag van eensgesindheid, aanvalsmoed, vryheidsoffervaardigheid. Ook in die dieptes van broedertwis, volksverraad, onverskilligheid en onderdrukking waardeur die Boerevolk gegaan het, en weer gaan, bly die vuur van Amajoeba ongeblus, 'n ligbaken van hoop en vertroue op die pad van die vryheid.

DE KOCK se GARAGES

Voortrekkerstraat, Herefordstraat,
MIDDELBURG, GROBLERSDAL,
Transvaal, Transvaal.

Eienaar: D. D. DE KOCK
Agente vir Pontiac en G.M. Vragmotors


TOT U DIENS!

V.M.K. AANBEVEEL.

VAN ZYL, BOSMAN EN VAN ZYL

(EDMS.) BPK.

Kerksaal-Gebou : Voortrekkerweg



MAITLAND



Boere!!

Eindelik die oplossing om stabiele pryse te kry:

Stuur u vee aan ons---die firma wat alleen per graad en gewig daeliks bemark

Skryf vir besonderhede en permitte.

Posbus 22.

Foon 5-2370.

Telegramme: GEWIG.

MAITLAND.



Ja, laat

STABILIS AGENTSAPPE EN BELEGGINGSMPY.

U help in verband met:—

- KOOP EN VERKOOP van Plase, Besighede, Vaste Eiendomme in Stad en Dorp.
- GELDBELEGGINGS: Op verbande, of in aandele in die handel en nywerheid, teen hoogste koerse.
- LENINGS: Op Plaas- en Stads- of Dorps-eiendomme; Private lenings ens. teen laagste rente. Ook Verbandslenings.
- INKOMSTEBELASTINGSTATE word opgestel deur 'n deskundige op die staf.
- ALLE KLASSE VERSEKERING word onderneem.
- AS HANDELSADYISEURS kan ons u inlig insake stigting, oorname en aankoop van besighede, voorraadprobleme ens.
- AFSLAERSWERK: Ons onderneem verkoop van vaste eiendomme, huisraad en gereedskap ens. per publieke veiling.
- ONS IS AGENTE vir die Helpmekeer Kollege. Doen u inskrywings hier.


U Eie Afrikanerbesigheid!! — Ondersteun dit!!

POSBUS: 1527.

FOON: 3-0764.

BURGSTRAT 53

KAAPSTAD



SASBANK

Verrig Volksdiens!

Lenings vir gesalarieerde persone verkrygbaar.
Terme uiters billik.

RAADPLEEG SASBANK

PAARL:— Posbus 266.
WORCESTER:— Posbus 57.
KAAPSTAD:— Posbus 2387.

KORRESPONDENSIEKURSUS

AFRIKANERS LUSTER HIER! — Hier is die gans wat vir u die goue eiers sal lê; Bestudeer ons Korrespondensiekursus in Boekhou deur medium van Afrikaans en Engels slegs vier maande lank en word dan 'n gekwalifiseerde Boekhouer met 'n goeie salaris. Ons kursus is goedkoop en doeltreffend. Ons waarborg uitmuntende resultate. Ons spesialiseer ook in Natuurgenesing, Liggaamsbou, Skoonheidskultuur, Magnetiese Persoonlikheid en Energieboukursusse. Laasgenoemde kursusse word gratis uitgereik aan ons Boekhoustudente. Besonderhede gratis van: Unie-Boekhoukollege, Posbus 32, Alexandria.

Vir 'n Suksesvolle Loopbaan

Studie met behulp van die Helpmekeer Korrespondensie Kollege is die beste en goedkoopste manier om u sukses in die lewe te verseker.

MEER AS 200 KURSUSSE

Die Helpmekeer is die enigste suiwer opvoedkundige Afrikaanse Korrespondensie Kollege in Suid-Afrika.

Reeds meer as 16,000 Studente het met behulp van ons lesings sukses behaal. Ook U kan dit doen.

Pos die Koepon nog vandag .. vir gratis besonderhede

Die Besturende Direkteur, Helpmekeer Korrespondensie Kollege, Posbus 3512, Voortrekkergebou, JOHANNESBURG.

Stuur my asseblief besonderhede omtrent u korrespondensie Kursusse.

Ek stel belang in

Naam.....

Adres.....

(O.B. 3 Feb. 1943).....

Besturende Direkteur: Dr. H. G. Lutjig, M.A. (S.-A.), D.Litt. et Phil. (Leiden).
Mede-Direkteur: J. H. Grijbe (voors.), S. N. van Vuuren, P. Joubert, P. J. v. Z. Hattingh, A. C. v. W. Stroh.

Helpmekeer

KORRESPONDENSIE KOLLEGE

Voortrekkergebou 310, Hoekstraat 18,

JOHANNESBURG

Posbus 3512

Foon 22-3512

ONS is dwarsdeur die Unie, sowel as buite sy grense, bekend vir goeie drukwerk teen konkurrende pryse.

BESTE is om ons te raadpleeg in verband met u benodighede. Prysnoterings word gratis verskaf. Enige soort drukwerk van visitekaarte tot geleerde Dissertasies word onderneem.

Hou Koers Na

Pro Ecclesia-Drukkery,

Drukkers, Uitgewers en Boekbinders

Die Laan, Stellenbosch.

Die MODERNE KLEREMAKERS

(Die Afrikaanse Firma)

VIR 'N BUITENGEWOON DEFTIGE EN GERIEFLIKE DAMES KOSTUUM OF MANS PAK KLERE, PROBEER ONS EERSTE. DIT IS NOU TYD OM TE LAAT MAAK, DAAR MATERIAAL DAAGLIKS SKAARSER WORD

Skryf om monsters en maatvorms.

GROOTE KERKGEBOU 306

3de Verdieping KAAPSTAD

AFRIKANERS

Dis nie genoeg om jul mede-Afrikaners met woorde aan te moedig nie, ondersteun hulle met daad en stuur al jul produkte, vrugte en pluimvee aan die bekende markagente

G. C. DU PLESSIS EN KIE.
MÖREMARK, JOHANNESBURG

Hoogste pryse, eerlike behandeling en onmiddellike afrekening gewaarborg.

Posbus 2817.

Telegrafiese Adres: „Duplesko“.

Bankiers: Volkskas, Johannesburg.

BELEÛ GELD

waar dit van

3½% tot 5%

rente kan verdien.

Raadpleeg dadelik u

EIE VOLKSBANK

SPOORBONDKAS

BEPERK

Posbus 8289, Johannesburg.

Takke oor die hele Unie.

ONS HET 'N PRAGTIGE BESENDING

Dames-Hoede

nou net uitgepak

KOM MAAK U KEUSE!!

by

Steyns

PAROW

DIE SKIEREILANDSE MODERNE AFRIKAANSE DAMES-MODISTE.

MARKAGENTSAP

Vroeë Mōre-Mark

KAAPSTAD

BETALING GESKIED ONMIDDELIK, WEEKLIKS, MAANDELIKS OF SOOS VERLANG.

BESTE HEERSENDE PRYSE.

MINNAAR & VAN SCHOOR

Eienaar: GUSTAV RETIEF.

Telefoon 2-6212.

O.B.-MUSIEKBUNDEL

'n Volk sonder sang... is 'n volk sonder siel!!

Elke Brandwag behoort die O.B. MUSIEKBUNDEL te besit, die liedere te leer en te sing.

Die jongste bevel van die Grootraad is dat iedere lid die „Ossewagbrandwag" moet leer en sing by alle O.B.-geleenthede!!

Hierdie Bundel bevat 22 pragtige komposisies met woorde, passend vir alle byeenkomste, vrolik sowel as plegtig.

Prys 2/6 Posvry

3/6 insluitend 'n pragtige portret van ons Kommandant-Generaal.

BESTEL NOU!!

O.B.-HOOFKWARTIER

Posbus 8576, JOHANNESBURG.

116 Takke Reserwe-fonds
41,000 AVBOB £113,000
Lede

Hoofkantoor:

St. Johnstraat 65, BLOEMFONTEIN
Begravnisse, Kiste, Kranse, Grafstene

Ondersteun Ons Adverteerders

DIE O.B.-NOODHULPFONDS

TRANSVAAL VAN 1 tot 16 JANUARIE 1943.

Erkenning vir die bedrae waarvoor kwitanties tussen nommers 1419 en 1468 uitgereik is, het blykbaar op die pos verlore geraak soos verskeie ander O.B.-stukke ook reeds verlore geraak het. Ons plaas intussen die volgende erkennings met die totaal wat reeds gestort is.

	f	s.	d.
Reeds ontvang	12,456	8	6
Kwit. Nos.:			
1469 Kommando 11C2	5	0	0
1470 Kommando 8B1	10	0	0
1472 Kommando 14A1	1	16	6
1473 Kommando 10C	40	4	6
1474 Kommando 9C2	4	5	0
1475 Kommando 9E5	5	0	0
1476 Kommando 12A	52	13	10
1477 Kommando 9B6	16	17	8
1478 Kommando 9B5	2	4	0
1479 Kommando 1C5	11	16	9
1480 Kommando 1C5	11	6	4
1481 Kommando 13B6	3	12	6
1482 Kommando 11A5	1	6	0
1483 Kommando 1B2	56	0	0
1483 Kommando 1B3	31	18	2
1484 Bydrae	1	0	0
1485 Kommando 11C4	18	5	6
1486 Kommando 11A6	6	16	6
1487 Kommando 1A2	22	0	0
1488 Kommando 2A3	10	0	0
1489 Kommando 13A4	18	12	0
1490 Kommando 13B1	5	3	6
1491 Kommando 7C2	107	17	7
1492 Kommando 7C2	9	0	0
1493 Kommando 11B	35	0	0
1494 Bydrae	5	0	0
1495 Kommando 10A4	51	6	0
1496 Kommando 2B4	8	0	0
1497 Kommando 10C5 en 10C2	6	0	0
TOTAAL	£13,014	10	10

Geklassifiseerde Advertensies

VERLOWING

STRAUSS — VAN SCHALKWYK: Hoof-Kommandant C. P. Strauss, Skansklop, Brandvlei en Brandwagte Lettie van Schalkwyk, Koringhuis, Nieuwoudville, maak aan mede-offisiere en Brandwagte bekend dat hulle op die 16de Januarie verloof geraak het.

BOTHA — BURGER: Susan, dogter van Hoof-Generaal en mev. W. P. Burger, Skansklop, en Louis, oudste seun van mnr. en mev. H. J. Botha van Heidelberg, Transvaal, maak bekend dat hul verloof is.

TE HUUR

KLEIN plasie te Vaartwel, vier myl van hoofpad, tussen Ladismith en Calitzdorp, met busiens twee keer per week. 6,000 Wingerdstokke en 300 gemengde vrugtebome, albei in drag. Goeie tuinground met vaste bron water. Vir verdere besonderhede doen aansoek by mnr. J. H. Swanepoel, Vaartwel, P.K. Opzoek, Ladismith.

TE KOOP

AARTAPPELMOERE. — Arran Chief, en Evergood aartappelmoere, gereed vir plant. Gelewer op Blanco-stasie. Kontant met bestelling. J. J. C. Lamprecht, Tuinplaas, P.K. Blanco, George.

SAAD AARTAPPELS. — Arran Chief — A. Sertifikaat 30/- per sak; B. Sertifikaat 25/- per sak. Sonder Sertifikaat maar goed, 20/- per sak. V.O.S. George-stasie. Kontant met bestelling. H. D. Metelerkamp, Groot Hoek, George.

SAAD-AARTAPPELS. — Goeie, gesonde, King of Early en Up-to-Date saad-aartappels vir onmiddellike planting. — 22/- per sak, gelewer op Petrusburg-stasie. Kontant met bestelling. D. J. de Kock, Uitkyk, Petrusburg.

SPEELSKIE. — Van goeie hout — Bottelskeie 3/9 en Vierkantige Kop 4/6 K.M.B. Koos Botha, P/S. Serpentine, Dist. George.

PLANTJIES: Gesond en sterk: Barberton Madeliefies (Daisies): 3/6, 15/- en £6. Amerikaanse Boomangellere: Idaho Beauty (pers), Regina (hippenk), Salmon Regina, Corona (donkerrooi), Pioneer (roospieken), en Rex (helderpieken), 3/6, 10/- en £5. Dairy Maid (wit met pienk-pers strepies) 5/-; £1-5-0 en £7. Pryse per 12, 100 en 1,000 respektiewelik. K.M.B., posvry in Unie. John Smith, Bus 80, Tzaneen.

TAFELAARTAPPELS, baie mool teen 14/0 per sak. Gelewer op Serpentine sylyn. S. P. Gerber, P.S. Serpentine, Dist. George.

TERK, gewortelde Angelier plantjies: Regina, Rex, Pioneer, Corona, Salmon Regina, Idaho Beauty 3/6 dosyn, 10/- 100. Lorraine 21/- dosyn; Rooi Regina 21/- dosyn; Dairy Maid 5/- dosyn; 25/- 100. K.M.B. Posvry Unie. Bogemelde soorte het groot dubbel blomme met lang stengels. Thos. Dunn, Posbus 51, Tzaneen.

KAROO BOK-KRAALMIS. Vry gelewer na Middellandse distrikte, O.V.S. en Natal stasies. 32/6 per ton van 12 sakke. K.M.B. 37/6 per ton van 12 nuwe sakke, K.M.B. Bestel vroegetydig en wees verseker van aflewering. Onmiddellike aandag word geskenk. Ref. Volkskas, Port Elizabeth. J. A. Schoeman, P.S. Grootfontein, Somerset-Oos.

ANGORA-RAMME: Lewering vanaf 1ste Februarie 1943; Opregeteelde Angoramme teen £5 en £7-10-0 stuk. J. A. Schoeman, P/S. Grootfontein, Somerset-Oos.

Uitgee deur Voorslag (Edms.) Beperk, Kamer 916, Groote Kerkgebou, Adderleystraat, Kaapstad, en gedruk deur Pro Ecclesia-Drukkery, Die Laan, Stellenbosch.

VAN ZYLS

HOOFSTRAAT

PAARL

MANSUITRUSTERS EN KLEREMAKERS

Besoek ons Snyersafdeling

VERSCHEIDENHEID

BAAIBROEKE, SOMERPAKKE EN MANSUITRUSTING

GROOT VERSKEIDENHEID RAKETTE IN VOORRAAD

HERSNARING VAN RAKETTE £1-12-6 — BESTE SNARE

SKRYF AAN ONS VIR 'N KATALOGUS.

OOK OP — — — PORTERVILLE